

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 K 265457 25 K
Zenica, 16.01.2026. godine

U IME FEDERACIJE BOSNE I HERCEGOVINE !

Općinski sud u Zenici, sudija Agić Sabrija, kao pojedinac, uz učešće zapisničara Drino Melite, u krivičnom predmetu protiv optuženog B.A., zbog produženog krivičnog djela Neovlaštena proizvodnja i stavljanje u promet opojnih droga iz člana 238. stav 1. KZ F BiH, po optužnici Kantonalnog tužilaštva Zenica, broj: T04 0 KT 0065749 25 od 10.10.2025. godine, nakon održanog usmenog, glavnog i javnog pretresa, u prisutnosti tužioca Kožo Sejada, optuženog B.A. i branioca Tabaković Alme, advokat iz Zenice, dana 16.01.2026. godine donio je i javno objavio:

PRESUDU

Optuženi B.A., zv. „B.“, sin H.i majke E. rođene P., rođen ... godine u Z., gdje je i nastanjen, u ul. ..., nalazi se u KPZ Zenica, Odjel pritvora, pismen, sa završenom osnovnom školom, bez zanimanja, nezaposlen, bez imovine, živi sa ocem, neoženjen, živi u vanbračnoj zajednici sa H.DŽ., bez djece, lošeg imovnog stanja, vojsku nije služio, ne vodi se u vojnoj evidenciji, po narodnosti ..., državljanin BiH, JMB: ..., osuđivan,

KRIV JE

Što je,

1. Dana 18.09.2025. godine, oko 22,30 sati, ispred zgrade koja se nalazi u ulici ..., u Z., suprotno odredbama člana 4 stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga (Službeni glasnik BiH broj 8/06), neovlašteno radi dalje prodaje držao crnu pvc vrećicu sa natpisom „GMS SPORT“ vlažne materije bijele boje sa sadržajem psihoaktivne supstance „amfetamin“ poznatije kao opojna droga „speed“ neto težine 359,564 grama a koja droga je pod rednim brojem 1 popisa psihotropnih tvari iz tablice II „Tvari i biljke pod strogim nadzorom“ proglašena kao takvom, iako je bio svjestan i znao da je to Zakonom zabranjeno a što je i htio a što je sve dobrovoljno predao policijskim službenicima Uprave policije Zenica prilikom zaustavljanja i kontrole na gore navedenoj lokaciji,

2. Dana 18.09.2025. godine, oko 23,08 sati, u stanu koji se nalazi u ulici ..., u Z., suprotno odredbama člana 4 stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga (Službeni glasnik BiH broj 8/06), neovlašteno radi dalje prodaje držao bijelu pvc vrećicu sa natpisom „Hvala na povjerenju“ zelene biljne materije sa sadržajem psihoaktivne supstance „tetrahidrokanabinol“ (THC) poznatije kao opojna droga „marihuana“ neto težine 287,239 grama, iako je bio svjestan i znao da je to Zakonom zabranjeno a što je i htio a koja droga je pod rednim brojem 13 liste opojnih droga i rednim brojem 26 liste psihotropnih tvari iz Tablice I „Zabranjene tvari i biljke“ proglašena kao takvom, kao i jednu digitalnu vagu sa naljepnicom na zadnjoj strani natpisa „200g/0,01gQC PAS“ namijenjenu razvagivanju opojnih droga sa tragovima zelene biljne materije i psihoaktivne supstance „tetrahidrokanabinol“ (THC), a što su sve pronašli i oduzeli policijski službenici Uprave policije Zenica prilikom pretresa gore navedenog stana izvršenog na osnovu naredbe za pretresanje Uprave policije Zenica broj: 08-02-03/3-03-2-73/25 od 18.09.2025. godine sačinjene na osnovu usmene naredbe Općinskog suda u Zenici broj: 43 0 K 265415 25 Kpp,

3. Dana 19.09.2025. godine, oko 00,30 sati, u vozilu marke „Opel Astra“ reg. oznaka ...koje se nalazilo u dvorištu kuće u ulici , suprotno odredbama člana 4 stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga (Službeni glasnik BiH broj 8/06), neovlašteno radi dalje prodaje držao pvc vrećicu sa natpisom „ELIT NUTRITION“ vlažne bijele praškaste materije sa sadržajem psihoaktivne supstance „amfetamin“ poznatije kao opojna droga „speed“ neto težine 938,32 grama, iako je bio svjestan i znao da je to Zakonom zabranjeno a što je i htio a koja droga je pod rednim brojem 1 popisa psihotropnih tvari iz tablice II „Tvari i biljke pod strogim nadzorom“ proglašena kao takvom i pvc vreću sa osam pakovanja zelene biljne materije sa sadržajem psihoaktivne supstance „tetrahidrokanabinol“ (THC) poznatije kao opojna droga „marihuana“ neto težina 995,50

grama; 994,82 grama; 995,59 grama; 996,43 grama; 996,80 grama; 996,53 grama; 997,25 grama i 995,47 grama, iako je bio svjestan i znao da je to Zakonom zabranjeno a što je i htio a koja droga je pod rednim brojem 13 liste opojnih droga i rednim brojem 26 liste psihotropnih tvari iz Tablice I „Zabranjene tvari i biljke“ proglašena kao takvom, a što su sve pronašli i oduzeli policijski službenici Uprave policije Zenica prilikom pretresa gore navedenog vozila izvršenog na osnovu naredbe za pretresanje Uprave policije Zenica broj: 08-02-03/3-03-2-73/25 od 18.09.2025. godine sačinjene na osnovu usmene naredbe Općinskog suda u Zenici broj: 43 0 K 265415 25 Kpp,

čime je počinio produženo krivično djelo Neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH, pa se na osnovu istog člana i propisa i uz primjenu odredbi čl. 49.stav 1. KZ F BiH

O S U Ď U J E

na kaznu zatvora u trajanju od 4 (četiri) godine i 6(šest) mjeseci ,u koju kaznu se uračuva vrijeme provedeno u pritvoru od 18.09.2025.godine od 21, 00 sati do upućivanja na izdržavanje kazne zatvora .

U skladu sa članom 202.stav 4. ZKP-a F BiH optuženi B.A. se oslobađa obaveze da Sudu naknadi troškove krivičnog postupka.

U skladu sa članom 238. stav 4. KZ-a FBiH optuženom B.A. u izriče se mjera sigurnosti oduzimanja opojne droga i to: opojne droge „marihuana“neto težine 8.255,308 grama i opojne droge „Speed“ 1.297,8 grama, ,koje su pohranjene u depozitu Uprave policije MUP-a ZDK, a naređuje se Komisiji za uništenje opojnih droga, psihotropnih tvari, biljaka iz kojih se može dobiti opojna droga i prekursora pri Vijeću ministara BiH da odmah nakon prijema Naloga za izvršenje mjere sigurnosti a najdalje u roku od mjesec dana preuzme od Uprave policije MUP-a ZDK, navedene opojne droge -preostale od vještačenja i iste uništi spaljivanjem u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekursora (Sl. Glasnik BiH br. 28/12).

U skladu sa člana 78. stav 1. KZ FBiH optuženom B.A. u izriče se mjera sigurnosti oduzimanja jedne digitalne vage, sa naljepnicom na zadnjoj strani natpisa „200g/0,01gQC PAS,te se nalaže Upravi policije MUP-a ZDK da istu uništi odmah nakon prijema naloga za izvršenje mjere sigurnosti.

Obrazloženje

Kantonavno tužilaštvo Zenica je dana 10.10.2025. godine kod ovog Suda podiglo optužnicu, broj: T04 0 KT 0065749 25 od 10.10.2025. godine, protiv optuženog B.A., a koja je potvrđena dana 13.10.2025. godine, zbog produženog krivičnog djela Neovlaštena proizvodnja i stavljanje u promet opojnih droga iz člana 238. stav 1. KZ FBiH, bliže opisano u dispozitivu Presude.

Optuženi B.A., prilikom izjašnjenja o krivnji, na Zapisnik ovog Suda od 10.11.2025. godine, izjasnio se da nije kriv za predmetno krivično djelo, a na glavnom pretresu u cjelosti je priznao izvršenje krivičnog djela koje mu se Optužnicom stavlja na teret, te je izjavio da se kaje i da daje obećanje Sudu da se to više neće ponoviti, te da je upoznat sa posljedicama priznanja krivnje.

Tužilac je u dokaznom postupku saslušao u svojstvu vještaka K. N., uposlenik Federalne uprave Sarajevo, Centar za forenziku, Odsijek za hemijsko-toksikološka ispitivanja, vještačenja i istraživanja i izvršen je uvid u njen pismeni nalaz i mišljenje, broj: 11-18-18/2-035-2024 od 24.09.2025. godine, te je pročitao i izvršen je uvid u slijedeće materijalne dokaze i to: Zapisnik povodom izdavanja usmene naredbe za pretresanje Općinskog suda Zenica broj: 43 0 K 265415 25 Kpp od 19.09.2025. godine, Naredba za pretresanje Uprave policije Zenica broj: 08-02-03/3-03-2-73/25 od 18.09.2025. godine, Potvrda o privremenom oduzimanju predmeta Uprave policije Zenica broj: 119/08-02-03/1-55/25 od 18.09.2025. godine na ime B.A., Zapisnik o privremenom oduzimanju predmeta i popisu privremeno oduzetih predmeta Uprave policije Zenica broj: 08-02-03/1-55-1/25 od 18.09.2025. godine, Potvrda o privremenom oduzimanju predmeta Uprava policije Zenica broj: 116/08-02-03/1-54/25 od 18.09.2025. godine na ime B.A., Zapisnik o pretresanju stana, drugih prostorija i pokretnih stvari Uprava policije Zenica broj: 08-02-03/1-24/25 od 18.09.2025. godine, Potvrda o privremenom oduzimanju predmeta Uprava policije Zenica broj: 11/08-02-03/1-57/25 od 19.09.2025. godine na ime B.A., Zapisnik o pretresanju stana, drugih prostorija i pokretnih stvari

Uprave policije Zenica broj: 08-02-03/1-26/25 od 19.09.2025. godine, Odobrenje Kantonalnog tužilaštva iz Zenice broj: T04 0 KTA 0065749 25 od 19.09.2025. godine, Naredba za vještačenje Kantonalnog tužilaštva iz Zenice broj: T04 0 KTA 0065749 25 od 19.09.2025. godine, Zapisnik o otvaranju i pregledu privremeno oduzetih predmeta i dokumentacije Uprave policije Zenica broj: 08-02-03/3-77/25 od 19.09.2025. godine, Izvještaj o provedenom hemijskom ispitivanju Centra za forenziku Federalne uprave policije Sarajevo broj: 11-18-18/2-03-5-2024 od 24.09.2025. godine, fotodokumentacija Uprave policije Zenica broj: 08-02-03/7-221F/25 od 18.09.2025. godine, fotodokumentacija Uprave policije Zenica broj: 08-02-03/7-222F/25 od 19.09.2025. godine, fotodokumentacija Uprave policije Zenica broj: 08-02-03/7-223F/25 od 18.09.2025. godine, fotodokumentacija Uprave policije Zenica broj: 08-02-03/7-225F/25 od 19.09.2025. godine, fotodokumentacija Uprave policije Zenica broj: 08-02-03/7-226F/25 od 19.09.2025. godine, fotodokumentacija Uprave policije Zenica broj: 08-02-03/7-227F/25 od 19.09.2025. godine, Zapisnik o lišenju slobode Uprava policije Zenica na ime B.A. od 18.09.2025. godine i Izvod iz kaznene evidencije za optuženog B.A. PU I Zenica od 19.09.2025. godine. Optuženi i Branilac nisu prigovorili sadržaju i zakonitosti dokaza.

Sud je cijeneći izvedene dokaze i priznanje krivnje optuženog B.A. utvrdio nespornim da je optuženi B.A. počinio radnje na način kako je to bliže opisano u dispozitivu Presude. Optuženi svojim priznanjem krivnje za predmetno krivično djelo u cjelosti je učinio nespornim činjenične i pravne navode iz Optužnice, a njegovo priznanje krivnje odnosno činjenični i pravni navodi iz Optužnice su u cjelosti potkrijepljeni sadržajem dokaza na kojim se zasniva Optužba. Dakle, Sud je na pouzdan način utvrdio da je Optuženi počinio radnje i prouzrokovao zakonom zabranjenu posljedicu, bliže opisane u dispozitivu Presude, i da je na taj način ostvario obilježja produženog krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH.

Dokazi u spisu ukazuju da je kod optuženog B.A. u kritično vrijeme postojala krivnja za krivično djelo koje mu se Optužbom stavlja na teret. Naime, Optuženi je bio svjestan da čineći radnje, na način kako je to bliže opisano u dispozitivu Presude, postupao protivpravno jer je znao da su predmetne radnje Zakonom zabranjene, tj. nije bio ni po kom osnovu ovlašten da se bavi neovlaštenom proizvodnjom i prometom opojnih droga i očito je da je neovlaštenim prometom opojnih droga imao namjeru da sebi obezbijedi sredstva za život. Dakle, bio je svjestan svoga djela i htio je njegovo izvršenje, te je postupao sa direktnim umišljajem, pa ga je stoga Sud i oglasio krivim.

Iz Izvoda iz kaznene evidencije vidljivo je da optuženi B.A. do sada tri puta osuđivan za različita krivična djela i da je zadnja osuda bila u maju 2022. godine za krivično djelo iz člana 362. stav 1. KZ F BiH.

Prilikom odlučivanja o vrsti i visini krivične sankcije Sud je imao u vidu da je za krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH propisana kazna zatvora od jedne do deset godina, težinu krivičnog djela koja se ogleda tome da se radi o većoj količini opojnih droga, a što optuženog B.A. svrstava u viši rang narko dilera, stepen i oblik krivnje optuženog B.A., s tim da je na strani Optuženog Sud cijenio kao olakšavajuće okolnosti da je priznao izvršenje krivičnog djela, izrazio kajanje i dao čvrsto obećanje Sudu da se to više neće i da do sada nije osuđivan za istu vrstu krivičnih djela kao i da predmetne opojne droge ne spadaju u kategoriju teških opojnih droga, a na strani Optuženog Sud je cijenio kao otežavajuću okolnost njegovu raniju osuđivanost tj. radi osobi koja je sklona vršenju krivičnih djela i da mu se stavlja na teret produženo krivično djelo, te imajući u vidu navedeno Sud očekuje da će se sa izrečenom bezuvjetnom osudom ostvariti opća i individualna svrha izricanja krivičnih sankcija.

U skladu sa članom 57. KZ F BiH u izrečenu kaznu zatvora Sud je uračunao vrijeme koje proveo optuženi B.A. u pritvoru u vremenu od 18.09.2025.godine od 21, 00 sati pa do upućivanja na izdržavanje kazne zatvora.

Odluka o troškovima postupka, koji se odnose na paušal u iznosu od 200,00 KM i troškove obavezne odbrane, a čiju visinu će Sud utvrditi naknadno posebnim rješenjem, temelji se na odredbi člana 202. stav 4. ZKP F BiH, a Sud je optuženog B.A. oslobodio obaveze da iste nadoknadi jer nema redovna primanja.

Odluka o izrečenoj mjeri sigurnosti oduzimanja predmetnih opojnih droga od optuženog B.A. temelji se na odredbama člana 238. st. 4. KZ-a F BiH, a kojim odredbama je propisano imperativno oduzimanje opojnih droga od lica koja ih neovlašteno posjeduju i prometuju.

Odluka o izričenoj mjeri sigurnosti oduzimanja jedne digitalne vage, sa naljepnicom na zadnjoj strani natpisa „200g/0,01gQC PAS, od optuženog B.A. temelji se na odredbama člana 78. stav 1. KZ F BiH, a kojim je propisano oduzimanje predmeta koji su upotrijebljeni za izvršenje krivičnog djela ili su nastali izvršenjem krivičnog djela, a u konkretnom slučaju radi se o predmetu koji upotrijebljen za izvršenje predmetnog krivičnog djela.

Shodno iznesenom valjalo je Sudu odlučiti kao u dispozitivu Presude.

Zapisničar
Drino Melita, s.r.

Sudija
Sabrija Agić, s.r.

PRAVNA POUKA:

Protiv ove Presude može se izjaviti žalba
Kantonálnom sudu u Zenici u roku od 15 dana
od dana prijema pismenog opravka Presude.
Stranke i Branilac mogu izjaviti žalbu iz svih zakonskih
razloga. Žalba se podnosi putem ovog Suda u tri primjerka.

-ZKP FBiH -Zakon o krivičnom postupku Federacije BiH (Službene novine Federacije BiH, broj 35/ 03, 47/03, 56/03, 74/04, 28/05, 55/06, 53/07, 09/09, 12/10 i 08/13);
-KZ FBiH-Krivični zakon Federacije BiH (Službene novine Federacije BiH, broj 36/03, 37/03, 21/04, 69/04 i 18/05).